

本經序疏要

卷五之六



本經序疏要卷之五目錄

鯁三十九

齒痛四十

口瘡四十一

吐唾血四十二

鼻衄血四十三

鼻齕四十四

耳聾四十五

鼻息肉四十六

目赤熱痛四十七

目膚瞤四十八

聲啞四十九

面𦏧𦏧五十

髮禿落五十一

滅瘢五十二

金創五十三

本經序疏要卷之五

武進鄒澍學

鰾

狸頭骨溫

○

按藥性論狸頭骨燒末治噎病不通食飲不云治鰾蓋治野獸骨鰾可以意會者也

獺骨平○郤魚鰾

鷓鴣骨微寒

千金論曰凡療病者皆以其類至如治鰾之法豈宜以鷓鴣主魚哽狸虎治骨哽耶至於竹蔑薤白嚼筋繇蜜等事乃可通爲諸哽治耶明一物一制者其用隘非其所制則不能爲力由其天賦止於如此兼制諸物者其用廣雖非所制亦能爲力由械智既周物



南京中醫藥大學圖書館版權所有

莫能遁此爲人巧可奪天工觀外臺秘要列諸哽方

三十五首誤吞物方一十七首其大意可剖析而論

焉大率有用其滑者

如多食羊脂肥肉能引釘箭鍼鐵之類

有用其黏

者

如飴糖能出銀釵之類

有用其縛者

如薤葉麥葉能裹銀釵之類

有用其

引者

如磁石能吸鐵針之類

有用其類者

如以所餘燒灰末水服及以髮灰還治吞

髮繞喉之類

有用其拔者

如吞鹿筋竹蔑等令至哽處動其所哽之類

皆人巧

也有用其劫者

如魚筍鬚魚網治魚骨哽之類

有用其服者

如汞能軟銀之

類

有用其制者

即鷓鴣治魚狸虎治骨之類

有用其壓者

如刀錐漬酒治

竹木哽之類

皆天工也夫物情踟曲病變多方乍視之則

參差不齊一若終難相接者而不知或迎其首或隨

其尾或憑其腰領或截其行蹤總須使之相值尤要

在馴其暴遂其欲而不激其怒故一病也而在甲則微在乙則甚一物也施之於始不效施之於終乃效苟能得其機尋其緒遂無不可批之卻不可導之矣雖然物情能勿察乎體氣能勿顧乎譬如深師用薔薇灰療哽及刺不出以薔薇之刺不連根於梗也千金以瞿麥療哽及刺以瞿麥子熟則奔迸自出也肘後以布刀故鋸燒漬酒中調婦人指甲灰治誤吞木竹釵以釵慣熟婦人手拔也此之謂察物情備急以豬羊及肥肉治吞鍼鉗鑢金鐵假使不耐肥人豈能服之又以生艾蒿水酒煮服治諸肉骨哽假使津液竭者豈能服之此之謂顧體氣非特治哽宜然也

一切病能外是哉

齒痛

當歸溫大溫○治牙疼痛不可忍患人虛冷加而用

藥性論

獨活平○主風毒齒痛

細辛溫○除齒痛

蜀椒溫大熱○堅齒髮

芎藭溫○單用含咀治口齒疾

藥性論

附子溫大熱

莽草溫○濃煎湯淋風虫牙痛

日華

礬石寒○堅骨齒除固熱在骨髓久服傷人骨



蛇牀子平○療齒痛

藥性論

生地黄大寒○主齒痛

食療

葇蓉子寒○主齒痛出蟲

雞舌香微溫○風毒諸瘡齒疳墜

車下李根寒

掌氏曰郁李根也

○主齒斷腫齩齒堅齒

馬懸蹄平○主齩齒

雄雀糞溫○療齒齩痛有蟲齩裏塞齒孔

外臺秘要

楓香脂平○主浮腫齒痛

金釵火燒針齒痛即止

烏頭大熱使○治齒痛

藥性論

白頭翁溫使○治齒痛

藥性論

酒漬枳根微寒

有齒痛有斷痛凡脣頰腫斷爛赤能齧能嚼者斷痛也不得齧且嚼斷頰脣如常者齒痛也故治齒痛可溫可補斷痛宜清宜洩蓋以齒之體連於骨而主

腎斷則手足陽明所榮絡也腎病有內因有外因外

因者溼熱生蟲從外而蝕篇中凡用雄烈殺蟲者是

莽草雞舌香車下李根
馬懸蹄雄雀糞萆薢子內因者寒閉血液不能榮骨

篇中凡用升降水火者是當歸芍藥附子蜀椒烏頭白頭翁陽明病

有風有火風則肌肉臃腫開闔不利篇中凡用開發

行氣者是獨活細辛蛇牀
子楓脂香枳根火則糜爛氣穢致成膿血

則篇中所列寥寥蓋於血證癰疽惡瘡蟹證均可仿



佛其治故不多載而說者謂上齒屬少陰下齒屬陽
明非也少陰之脈僅循喉嚨挾舌本不能至齒惟
陽明之脈入下齒足陽明之脈入上齒亦無當齒
大義然惟如是益可見痛關陽明在經脈肌肉而無
涉於骨若靈樞雜病篇所謂齒痛不惡清飲取足陽
明惡清飲取手陽明則劇所當思矣夫陽明爲燥金
之經其發齒痛非津液壅滯卽津液焦枯焦枯者欲
飲未必欲清壅滯則欲清飲矣所以然者焦枯是虛
壅滯是實實者猶火之附薪虛者猶物之失養卽是
觀之則凡篇中之物燥烈者止可治實滋澤者方堪
治虛而病涉少陰則非特不欲清并不欲飲皆可見

矣

口瘡

黃連寒微寒○療口瘡

檳木寒○主口瘡

龍膽寒大寒

升麻平微寒○喉痛口瘡

大青大寒○療時氣頭痛大熱口瘡

苦竹葉大寒○療口瘡

石蜜平微溫○主口瘡

酪寒

酥寒○利大腸主口瘡



鼓寒

藥對
乾地黃平

題作口瘡於千金七竅門實該口舌脣三者若外臺
秘要之緊脣瀋脣瘡爛口瘡口吻瘡舌本縮舌上瘡
皆應隸此乃檢其所主之方所用之藥較是何啻倍
蓰而以此寥寥數味者昭列於篇毋乃不徧不該歟
而不知彼倍蓰之方之藥有不能不於此取裁者蓋
心主舌脾主口心者外陽內陰脾者體靜用動故口
之與舌其開闔轉掉咸在津唾之常承則其爲病非
患於津唾之不足承必患於津唾中挾有熱是以兩
書中方法雖多然每方中必有是篇一二味者十居



七八篇中所載僅十一味分而言之入水以清火者

六入陽以澤陰者五觀其命意所在猶當以火因溼

而生黃連火因溼而附黃蘗火不羈於水中龍膽水抑遏黃芩

火上麻升火附水以外發則克其水而使之畢發青大

迫火以上升則解其火而使之開散竹葉而或澤其上

醅或澤其中蜜或澤其下酥或解其糾結而津自行

豉或濡其礦頑而陰自復黃地莫不秩然有序界劃攸

分不特可爲一病之規模并可覘凡病之取裁矣然

其治水中之火多注意於藏治陰不承陽反注意於

府一若府當補藏當泄者不幾與凡病之藏病多虛

府病多實者適相反歟夫藏者藏精氣而不瀉府者



轉化物而不藏惟其藏故火得與津偕藏其治非燥也乃剔去津中火耳惟其瀉故津背火而自瀉其瀉非補也乃益津以配火耳是故以津而言則藏實而府虛以火而言則府實而藏虛正與傷寒之少陰證陽明證同一例也獨其火或搏於津津或違於火所以不爲他重病而僅僅口瘡是當深研其義得其所以然則變換在手萬化生心矣

吐唾血

羚羊角寒微寒

白膠平溫○療吐血下血

戎鹽寒○吐血齒舌血出

柏葉微温○主吐血衄血

艾葉微温○止吐血

水蘇微温○主吐血

生地黄大寒○吐血擣飲之

大小薊温○止吐血

鱗鱒微温微寒○療吐血在胸腹不去

飴糖微温○止渴去血

伏龍肝微温○主吐血

黃土平

蜀本 鎔墨○主吐血研末以酒或水温服之

藥封 馬通微温使○止渴及吐下血



小麥微寒使○止漏血唾血

麥句薑寒君天名精也○止血

藥性論

證類

牛膝

桑根白皮○主吐血熱渴

吐唾血者吐而唾間有血也若但云吐血則牙宣者
口舌裂者欬嗽者嘔者皆有血可吐不必雜在唾間
矣惟云吐唾血則牙宣者當質之齒痛門口舌裂者
當質之口瘡門欬嗽者當質之欬嗽上氣門嘔者當
質之嘔吐門而無所混然則吐唾血之由奈何千金
載廩邱之說云吐血有三種有內衄有肺疽巢氏作肺疽
有傷胃內衄者出血如鼻衄但不從鼻孔出是近從



南京中醫藥大學圖書館版權所有

心肺間津液出還流入胃中或如豆羹汁或如切齏
血凝停胃中因滿悶卽便吐或數斗至一石得之於
勞倦飲食過常也肺疽者或飲酒之後毒滿悶吐
時血從吐後出或一合半升一升是也傷胃者因食
食大飽之後胃中冷不能消化不能消化便煩悶強
嘔吐使所食之物與氣共上衝蹶因傷裂胃口吐血
色鮮正赤腹絞痛汗出其脈緊而數者爲難治也諸
病源候論曰吐血者皆由大虛損及飲酒勞損所致
也肺爲五藏上蓋心肝又主於血上焦有邪則傷諸
藏藏傷血則下於胃胃得血則滿悶氣逆氣逆故吐
血以是知唾間之血非緣火迫不由沖激乃上焦自



有所傷血久已流於胃胃滿遂溢於上故雜唾而其出也甚易不假嘔逆無須欬嗽則治之者竟不存平氣止逆行痰洩火可直推其何以聚於中而從其中以化之導之滲之泄之矣夫陽明多氣多血者非滿盛氣血於胃中也以其受納較他藏府爲能容其決洩較他藏府爲難竭耳卽能容難竭亦非所素有也以其盛則必有所掣衰則必有所曳耳今者血瀦於中至隨唾而吐是其掣與曳定有所窒而不靈從篇中所列以窺其微則不靈之故蓋有在矣血以榮肌肉肌肉者土也土之納潤必以陽煦陽不煦則水不入土矣故須煦而納之

艾葉伏龍肝
黃土水蘇

若土頑礦則

